

Եւ յետ կարգաւորելոյ Գրիգորի զամենայն գործս իւր՝ եւ ՚ի Կոստանդինուպօլսոյ, և ճանապարհ արար յԵրուսաղէմ. և հասեալ ՚ի Բերիա քաղաք՝ այն է Հալէպ, մնաց անդ աւուրս ինչ՝ գնեաց կալուածս ՚ի նպաստ Ս. Աթոռոյն. նորոգեաց զհնացեալ և զաւիրեալ Հոգետունն ՚ի պէտս ուխտաւորաց՝ ՚ի Թաղն կոչեցեալ Սուլոյ, զոր կառուցեալ էր Գրիգոր Պատրիարք Պարոն Տէր ՚ի ժամանակի իւրում, և զարդարեալ պայծառացոյց սենեկօք և խցովք և այլ կարեւոր պիտոյիւք՝ ձեռնտուութեամբ վաճառականացն Հայոց եղելոց անդ, և զինի օ՛ր ամաց ետ գնել արձանագիր յորմն ՚ի գաւթի անդ գրեալ ՚ի Թուին Հայոց 1175 (1726):

Եւ ելեալ անտի եկն յԵրուսաղէմ բազմութեամբ ուխտաւորաց յամի Տեառն 1721 ՚ի 12 Փետրվար ամսոյ, որոյ ընդ առաջ ելին միաբանք վանաց, քրիստոնեայք եւ այլազգիք քաղաքին. զի բազմիցս լուեալ էին զբարի համբաւ նորին, եւ անձկային եւս տեսանել զնա: Եւ եմուտ Գրիգոր չքեղ հանդիսիւ և մեծաւ փառօք ՚ի քաղաքն, և նստաւ յԱթոռ Պատրիարքութեան Երուսաղէմի. և ձեռն արկ բարեկարգել և նորոգել զվանօրայս, եւ զկրօնաւորս վանական կարգօք, և հետզհետէ վճարել զպարտսն և ազատել զկալուածսն ՚ի Յոպպէ, ՚ի Ռեմէ եւ յԵրուսաղէմ. նոյնպէս զկահ և զկարասիս վանաց և զեկեղեցական ընտիր ընտիր անօթս և զսպասս, զորս յառաջագոյն աշխարհական տեղակալք եղեալ էին ՚ի գրաւի: Եւ ապա կարգեաց առանձին տումար յեկեղեցին վասն եկեղեցական զարդուց. և ինքն սկիզբն արար գրել զայն, ուր ինքն ասէ. « Գրող այսմ տումարիս Ամիրտուլցի Գրիգոր մեղապարտ վարդապետս ». և այսպէս մինչ ՚ի վախճան իւր գրեաց զայս տումար, զոր միանգամ ետուն եւ յաւելին ՚ի գանձ Տեառն միաբանք և օրհնեալ ազգս Հայոց, և զորս միանգամ ինքն ետ շինել. ՚ի վախճանի պատուիրէ խստիւ բոլոր միաբանաց՝ և մանաւանդ լուսարար և կամ փակակալ վարդապետին, ընդ հսկողութեամբ որոյ են եկեղեցական անօթք, զգուշութեամբ սպհեւ և սպհսպհանել, զի մի կրկին անկցի ՚ի ձեռս աներկիւղ արանց, թէ միաբան իցէ և թէ եկամուտ ոք, եւ ցրուեալ կորուսցեն, զորս բազում նեղութեամբ և աշխատութեամբ ժողովեալ էր: Եւ ինքն սկիզբն